



Adresa: **Ul. Hamdije Čemerlića 39 a**
71000 Sarajevo
<http://www.voda.ba>

tel. +387 33 726-400;
fax. +387 33 726 414
e – mailinfo@voda.ba

Broj: UP-1/21-3-40-259-5/22
Datum: 20.09.2022 godine

«Agencija za vodno područje rijeke Save» Sarajevo rješavajući po zahtjevu Investitora „THERMOFLUX“ d.o.o. Jajce u postupku izdavanja vodne dozvole za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada kompleksa za izradu toplovodnih kotlova i kamina, sa pratećim objektima i sadržajima izgrađenog u naselju Bage, općina Jajce, na osnovu člana 109. stav (1) i člana 109. stav (2) tačka 1. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola pravnom licu „THERMOFLUX“ d.o.o. Jajce za ispuštanje oborinskih onečišćenih voda i aktivnosti koje mogu imati specifične uticaje na vode prilikom rada pogona za izradu toplovodnih kotlova i kamina, u naselju Bage, općina Jajce, na k.č. 1541/1, 1541/2, 1541/3, 1541/5, 1542/6 i 1542/7, K.O. Jajce I, općina Jajce.
2. Ova vodna dozvola se odnosi isključivo na aktivnosti i lokaciju definiranih tačkom 1. ovog rješenja i ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Kantona Središnja Bosna u skladu sa članom 139. stav 2. tačka 1. i 2. Zakona o vodama („Službene novine Federacije BiH“ broj 70/06).
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na predmetnom lokalitetu i utvrđenog činjeničnog stanja na objektu i pod slijedećim uvjetima:
 - 3.1 Za vrijeme trajanja ovog Rješenja izraditi Investiciono tehničku dokumentaciju, **na razini glavnog projekta**, koja se odnosi na prikupljanje i tretman tehnoloških otpadnih voda kao i oborinskih voda s manipulativnih površina. Investiciono-tehnička dokumentacija treba biti izrađena od strane pravne osobe koja ima pribavljeno ovlaštenje od strane Federalnog ministarstva poljoprivrede, vodoprivrede i šumarstva (Lista «A») u skladu sa Pravilnikom o uvjetima i kriterijima koje mora ispunjavati pravno lice za izradu dokumentacije na osnovu koje se izdaje vodni akt („Službene novine Federacije BiH“, broj 17/08 i 38/12) i sadrži sve analize, proračune, istraživanja, nacрте i dr. sukladno članku 5. stav (2) i stav (4) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22).
 - 3.2 Da, za vrijeme trajanje ove dozvole, korisnik prilagodi stanje odvodnje oborinskih i tehnoloških voda kao i njihov tretman shodno izrađenoj dokumentaciji naznačeno pod 3.1 ovog Rješenja.
 - 3.3 Da korisnik izgrađenih objekata i instalirane opreme koji se koriste za proizvodnju toplovodnih kotlova i kamina, održava u funkcionalnom stanju i koristi u skladu sa njihovom namjenom i uvjetima iz ove vodne dozvole.
 - 3.4 Da korisnik navedenih objekata za vrijeme trajanja ove dozvole, osigura da se otpadne vode iz postrojenja za proizvodnju toplovodnih kotlova i kamina kao i svih manipulativnih površina, nesmetano sakupljaju i odvede do objekata predviđenih za tretman otpadnih voda - sustava taložnika s ispuštanjem, preko separatora, u definirani recipijent. Ispuštena voda iz separatora masti i ulja mora biti sukladna Uredbi o uvjetima ispuštanja otpadnih voda u prirodne recipijente i sisteme javne kanalizacije («Sl. novine Federacije BiH», broj: 26/20 i 96/20).

- 3.5 Ukoliko Vlada kantona propiše dodatne (strožije) uvjete za ispuštanjem otpadnih voda u površinske vode, od uvjeta definiranih Uredbom o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste ispoštovati.
- 3.6 Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uvjetima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).
- 3.7 Objekte čija je svrha odvođenje i prečišćavanje onečišćenih voda (taložnici, slivnici i rešetke, kanalizacijska mreža, taložnici i separator ulja i masti) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.8 Ukoliko se čišćenje radnih strojeva vršiti unutar industrijskog kompleksa, čišćenje vršiti isključivo na betonskoj podlozi s izvedenim sustavom odvodnje prema taložnicima odnosno separatoru ulja i masti.
- 3.9 Da se sa opasnim i štetnim materijama postupa savjesno pri skladištenju, transportu i pretovaru kako ne bi došlo do štetnih posljedica po tlo i vode, uslijed prosipanja istih.
- 3.10 Osigurati priručna sredstva za brzu intervenciju u slučaju nekontroliranog istjecanja nafte i naftnih derivata na površinama po kojima se kreću strojevi i vozila na SUS pogon kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.11 Otpad koji nastaje u postupku proizvodnje i drugi nusproizvodi, te mulj iz uređaja za tretman otpadnih voda ne smije se odlagati na česticu «vodno dobro», odnosno u vodotoke i na njegove obale.
- 3.12 U cjelokupnom kompleksu koji se koristi za proizvodnju toplovodnih kotlova i kamina, zabranjuje se pretakanje nafte i naftnih derivata u bilo kom obliku i namjeni.
- 3.13 S ovlaštenim poduzećem sklopiti ugovor o održavanju, čišćenju i pražnjenju separatora masti i ulja i voditi evidenciju o istom.
4. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, „THERMOFLUX“ d.o.o. Jajce je dužan provoditi sve mjere i aktivnosti propisane istom.
6. U slučaju izvanrednih situacija, nekontroliranih onečišćenja i drugih sličnih okolnosti, čime bi bio ugrožen kvaliteta podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete trećim licima nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog objekta obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 129. stav (1) Zakona o vodama („Službene novine Federacije BiH“ broj 70/06) se daje sa rokom važenja od (1) jedne godine od dana pravosnažnosti ovog rješenja.

10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, „THERMOFLUX“ d.o.o. Jajce obratio se ovoj Agenciji sa zahtjevom za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode, uslijed rada pogona za izradu toplovodnih kotlova i kamina na lokalitetu naselja Bage, u općini Jajce izrađenog na k.č. 1541/1, 1541/2, 1541/3, 1541/5, 1542/6 i 1542/7, K.O. Jajce I, općina Jajce.

Uz zahtjev je dostavljena slijedeća dokumentacija:

- Kopija Rješenja o izmjenama podataka u sudskom registru broj: 051-0Reg-21-000678 od 08.12.2021.god. izdano od općinskog suda u Travniku.
- Kopija Uvjerenja o poreznoj registraciji od 21.10.2021.godine, izdanog od strane Porezne uprave – Kantonalni ured Novi Travnik.
- Ovjerena kopija Uvjerenja o upisu u jedinstveni registar obveznika indirektnih poreza broj: 04/1-17-1-UPPJR/1-794-2/13 od 03.07.2013.godine, izdanog od strane Uprave za indirektno-neizravno oporezivanje Banja Luka.
- Kopija uplatnice administrativne takse.
- Pravomoćna građevinska dozvola za izgrađeni objekt br: 03-23-45/15 od 06.10.2015.god, izdanog od Ministarstva prostornog uređenja, građenja, zaštite okoliša, povratka i stambenih poslova KSB.
- Okolišna dozvola br. 06-23-52/19 od 31.01.2020.god. izdana od Ministarstva prostornog uređenja, građenja, zaštite okoliša, povratka i stambenih poslova KSB
- Ugovor o čišćenju i održavanju separatora ulja i masti sklopljen s poduzećem „TRANS MINERAL“ d.o.o. Jajce od 03.01.2014.god.
- Studija za izdavanje PVS izrađene od poduzeća „IBIS“ d.o.o. Zavidovići, br: 27-IB-5/13 od 10/13.
- Izvještaj o rezultatima ispitivanju kvaliteta tehnoloških otpadnih voda br.001-2-70-X/21 od 13.10.2021.god. izrađen od „ZAGREBINSPEKT“ d.o.o. Mostar.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20), izvršen je uviđaj na terenu i tom prilikom sačinjen Zapisnik broj: UP-1/21-3-40-259-4/22 od 16.09.2022. godine.

Na osnovu uvida u dostavljenu dokumentaciju i izvršenog uviđaja na licu mjesta utvrđeno je sljedeće: Poslovni objekat koji se koristi za proizvodnju toplovodnih kotlova i kamina izgrađen je u naselju Bage 3, općina Jajce, na zemljištu označenom kao k.č. 1541/1, 1541/2, 1541/3, 1541/5, 1542/6 i 1542/7, K.O. Jajce I, općina Jajce i sastoji se od objekta na tri etaže u kojima su podijeljeni prostori i to prostora za pripremu i skladište repromaterijala, bravarske radione, lakirnice, završne montaže, skladišta gotovih proizvoda, uredsko administrativnog prostora i vanjskih manipulativnih površina obrađenih završnom asfaltnom podlogom s izgrađenim sustavom odvodnje, separatorom ulja i masti i biološkim uređajem za prečišćavanje fekalnih voda kao i novoizgrađenim objektom s manipulativnom površinom.

Tehnološke otpadne vode nastaju u postupku tlačnog ispitivanja kotlova i kamina gdje se koristi voda iz javnog vodovodnog sustava koja se u posebnom spremniku miješa sa antifrizom i pod tlakom se uvodi u cijevni sustav kotlova i kamina u cilju ispitivanja vodonepropusnosti cijevnog sustava i nakon toga se ispušta u početni spremnik i koristi za daljnje ispitivanje – sustav recirkulacije. Tehnološke vode se upotrebljavaju i u procesu predlakiranja odnosno odmašćivanja kada im se dodaje sredstvo za SurTec 604 . Nakon ispiranja, odnosno čišćenja masnih površina, voda se skuplja u početni spremnik i ponovo koristi – proces recirkulacije.

U početnom spremniku se redovno mjeri pH vrijednost vode i kad se dostigne nedozvoljena vrijednost, spremnik se prazni, zbrinjava u specijalne posude koje odvozi i zabrinjava poduzeće TRANSMINERAL d.o.o. Jajce. Sustav se nadopunjuje za 3,3 litre po kotlu.

Mokro farbanje se vrši u kabini sa suhim filterom koji se nakon zasićenja skladište u specijalne posude koje odvozi i zabrinjava poduzeće TRANSMINERAL d.o.o. Jajce. U ovom procesu ne nastaju tehnološko otpadne vode.

Čišćenje radnih ploha unutar objekta vrši se strojem za suho čišćenje s unutarnjim spremnikom – vodenim filterom od 75 l. Količina nastale onečišćene vode u jednom mjesecu je 0,4 m³. Čišćenje stroja i odvoz onečišćene vode vrši ovlašteno poduzeće za tu vrstu djelatnosti.

Fekalne vode nastaju u prostorijama sanitarnih čvorova i sustavom odvodnje odvoze se do biološkog uređaja na bazi aktivnog uglja tip COMPACT 35-45 EBS. Pročišćene fekalne vode se upuštaju u lokalni kanalizacioni sustav s ispustom u rijeku Vrbas.

Oborinske onečišćene vode se sustavom kanalice skupljaju i odvoze u separator ulja i masti s prelivom u rijeku Vrbas.

Monitoring otpadnih voda vrši poduzeće „ZAGREBINSPEKT“ d.o.o. Mostar.

Vodoopskrba je sa javne vodovodne mreže.

Kako je od zadnje, izdane, Vodne dozvole došlo do proširenja kapaciteta koja nisu obuhvaćena projektnom dokumentacijom za prikupljanje i tretman tehnoloških otpadnih voda, ova vodna dozvola se daje na godinu dana.

Na osnovu očitovanja Službe za prikupljanje prihoda od vodnih naknada konstatirano je da podnosilac zahtjeva „THERMOFLUX“ d.o.o. Jajce, redovno izmiruje svoje obaveze uplate po osnovi posebnih vodnih naknada.

Na osnovu provedenog postupka konstatira se da je podnosilac zahtjeva „THERMOFLUX“ d.o.o. Jajce, ispunio minimum uvjeta za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode, sa lokacije te je riješeno kao u dispozitivu ovog rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.građ.

za Po ovlaštenju
Rukovodilac Sektora za izdavanje vodnih
akata



Haris Ališehović, dipl.ing.građ.

Dostaviti:

- „THERMOFLUX“ d.o.o. Jajce, Bage bb, Jajce
- AVP, ISV – Vodna knjiga
- Sektor 50
- ☉ Sektor 40, arhiva
- Oglasna ploča-AVP Sava